



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 231

DATUM: 18.11.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Dvodnevna obuka predstavnika jedinica lokalnih samouprava i javnih vodoovodnih / komunalnih preduzeća iz Federacije BiH	1
Vesna Travljanin u Posušju na međunarodnoj konferenciji "Financiranje infrastrukturnih projekata iz EU fondova u BiH"	1
U Sarajevu održan Treći međunarodni sajam i konferencije o obnovljivim izvorima energije	2
U Jajcu obilježen Međunarodni dan tolerancije	3
Predstavnici Općine Ilijaš i Svjetske banke u posjeti fabrici Kalea	4
Fabrika cementa Lukavac zna kako otpad pretvoriti u energiju	4
Potpisan Ugovor o implementaciji projekta za izgradnju infrastrukture, nabavku sredstava, opreme i postrojenja za upravljanje komunalnim otpadom	5
Potpisan Ugovor o sufinansiranju projekta jagodastog voća	5
Investitori iz Mađarske investirat će u projekte Općine Centar	6
U Tomislavgradu dodijeljeno šest koncesija za izgradnju vjetroelektrana	6
U Ključu održan trening na temu "Korištenje informacionih tehnologija za podršku učešća građana razvoju zajednice i bolju upravu"	7
Gradonačelnik Tuzle susreo se sa šefom Delegacije Evropske unije u BiH i specijalnim predstavnikom EU	8
Potpisana saradnja s lokalnim zajednicama u okviru EU ProLocal Programa	8
Poziv za učešće na regionalnom treningu za Efikasnu organizaciju i efektivno upravljanje komunalnim uslugama	9
Najava obilježavanja dana općina i gradova za mjesec decembar/ prosinac	10

Bilten Saveza općina i gradova Federacije Bosne i Hercegovine

DVODNEVNA OBUKA PREDSTAVNIKA JEDINICA LOKALNIH SAMOUPRAVA I JAVNIH VODOVODNIH/ KOMUNALNIH PREDUZEĆA IZ FEDERACIJE BIH

Više od 20 predstavnika srednje i više upravljачke strukture općina i javnih komunalnih poduzeća iz Federacije BiH završilo je u Bihaću dvodnevnu obuku o temi "Priprema i implementacija infrastrukturnih investicijskih projekata u oblasti vodoopskrbe i odvodnje". U okviru priprema za organizaciju obuka na razini BiH, Savez općina i gradova (SOG) Federacije BiH izvršio je procjenu na temelju koje je stručni tim trenera, uz podršku SOG FBiH, kreirao koncept specifične dvodnevne obuke. Uz obuke prvog dana upriličen je i posjet novom postrojenju za pročišćavanje otpadnih voda u Bihaću. Ova obuka je dio projekta "Lokalni lideri u jugoistočnoj Europi: Vodstvo za promjene (LLSEE)" i provodi ga NALAS (Mreža asocijacija lokalnih vlasti jugoistočne Europe), Savez općina i gradova FBiH, a i GIZ (Njemačka razvojna agencija). Cilj projekta je poboljšati liderske i upravljачke kompeticije donositelja odluka i menadžera iz općina (JLS) i javnih komunalnih poduzeća (JKP) za planiranje i provedbu infrastrukturnih investicijskih projekata.



VESNA TRAVLJANIN U POSUŠJU NA MEĐUNARODNOJ KONFERENCIJI „FINANSIRANJE INFRASTRUKTURNIH PROJEKATA IZ EU FONDOVA U BIH“



Pod visokim pokroviteljstvom hrvatskog člana Predsjedništva BiH Dragana Čovića 11. novembra/ studen je u Posušju održana međunarodna konferencija "Financiranje infrastrukturnih projekata iz EU fondova u BiH - Rješavanje odvodnje općine Posušje i sprječavanje zagađenja u vodnom području Jadranskog mora". Predviđene teme obradile su problematiku koja u BiH predstavlja ključno ekološko, razvojno i socijalno pitanje jer nedostatak

kanalizacijske mreže snažno utječe na kvalitetu života, ali i na ispunjavanje predpristupnih uvjeta za ulazak u EU. Osim problematike odvodnje na području općine Posušje, skup se fokusirao i na stanje podzemnih voda u širem vodnom području Jadranskog mora zbog toga što postojeća onečišćenja prelaze okvire lokalnog područja Hercegovine te zahvaćaju dijelove južne Hrvatske, što bi ubrzo moglo stvoriti širi ekološki problem te postati okolišno pitanje na razini BiH, Hrvatske i Europske unije.

Gledajte Savez općina i gradova
Federacije Bosne i Hercegovine na




U okviru priprema za organizaciju obuka na razini BiH, Savez općina i gradova Federacije BiH izvršio je procjenu na temelju koje je stručni tim trenera, uz podršku SOG FBiH, kreirao koncept specifične dvodnevne obuke. .

Zamjenica predsjedatelja Zastupničkog doma Parlamentarne skupštine BiH Borjana Krišto kazala je u izjavi za medije kako je svrha Konferencije vidjeti koliko je BiH spremna i kakvi su njezini projekti za povlačenje sredstava iz EU fondova. Dodala je kako vjeruje da su lokalne zajednice spremne i imaju projekte za čiju će realizaciju znati iznaći sredstva, kako iz vlastitih sredstava, tako i iz EU fondova. Po njezinim riječima, vode ne priznaju granice i ako se ne zaštite, vrlo brzo bi moglo doći do onečišćenja kako područja Općine tako i cijele BiH i južne Hrvatske.

Ova je tema od životnog značaja s izvorom sredstava iz dva fonda; IPA i Fonda za regionalni razvoj - kazao je hrvatski veleposlanik u BiH Ivan Del Vechio, govoreći o tome problemu i projektima. Riječ je o trilateralnom projektu između Hrvatske, BiH i Crne Gore, dodao je te naglasio kako je u pitanju velika količina sredstava, više od 57 milijuna eura u sedam godina. Hrvatski veleposlanik smatra kako BiH i Hrvatska mogu naći odlične zajedničke projekte te povući sredstava, koja su većinom nepovratna, kako bi se podigla kvaliteta života stanovnika i s jedne i druge strane granice. Voditeljica Sektora zaštite voda Hrvatskih voda Mara Pavelić naglasila je kako će Hrvatska svoje iskustvo u pripremi EU projekta podijeliti s BiH. Mislim da ćete imati svu pomoć od Hrvatske u pripremi projekta - kazala je, naglasivši pritom kako se u Hrvatskoj trenutno 'vrti' preko 100 takvih projekata. Govoreći o problemu nedostatka kanalizacijske mreže i odvodnog sustava, načelnik Posušja Branko Bago ustvrdio je kako to nije problem samo Posušja, kako se to vrlo često ističe, već problem svih područja koja se nalaze na nižim nadmorskim visinama, a među njima i dijela teritorija Republike Hrvatske. Mi u općini Posušje nemamo ni metra kanalizacijske mreže, a općinski prihodi su vrlo 'mršavi', tako da ovom konferencijom zapravo pokušavamo iznaći način kako da riješimo taj problem naglasio je. Dodao je kako sve otpadne vode završavaju u kraško-vodopropusnom tlu te odlaze slivom Trebižeta u Neretvu, a zatim automatski u Jadransko more. Projekt rješavanja toga problema koji je već gotov, kako kaže načelnik, iziskuje velika sredstva, zbog čega se on nada pomoći s viših razina vlasti i IPA fondova. Inače, kazao je načelnik Bago, samo za prvu fazu posuške kanalizacije treba izdvojiti 5 milijuna eura. Konferencija je okupila mnogobrojne lokalne, državne i europske institucije, nadležne za korištenje EU fondova, financiranje komunalne infrastrukture i izgradnju vodovodne i kanalizacijske mreže, a među kojima su bili gradonačelnik Mostara Ljubo Bešlić i direktorica Saveza općina i gradova FBiH Vesna Travljanin. U programu su sudjelovali domaći i međunarodni stručnjaci, projektanti i konzultanti za EU fondove te ugledni članovi akademske zajednice. Konferencija je održana u organizaciji općine Posušje, uz podršku Zapadnohercegovačke županije i stručnog časopisa Komunal.

U SARAJEVU ODRŽAN TREĆI MEĐUNARODNI SAJAM I KONFERENCIJE O OBNOVLJIVIM IZVORIMA ENERGIJE



U Sarajevu je 09. i 10. novembra 2016. godine održan Treći međunarodni sajam i konferencije o obnovljivim izvorima energije i energetske efikasnosti u Bosni i Hercegovini RENEXPO® BiH, na kojem ko jedan od organizatora i sudionik bio i Savez općina i gradova Federacije BiH. Ovaj sajam predstavlja najznačajnije mjesto poslovnog okupljanja investitora, donosioca odluka, predstavnika ministarstava i

općinskih struktura, kao i poslovnih rukovodioca iz oblasti energetske efikasnosti i obnovljivih izvora energije. U izložbenom dijelu sajma predstavljeni su regionalni i internacionalni lideri u oblastima biogasa, biomase, hidroenergije, energetske efikasnosti, vjetroenergije, upravljanja otpadom i upravljanja vodama. Predstavljeni su tržišni potencijali cijelog regiona, mogućnosti investiranja i novih projekata, a osim toga, ovaj sajam omogućava domaćim i međunarodnim ekspertima razmjenu znanja i rješenja iz oblasti obnovljivih izvora energije, energetske efikasnosti i okoliša. Za predstavnike lokalnih vlada i općina, drugog dana sajma, 10. 11. 2016. godine RENEXPO BiH je organizirao besplatnu obuku za predstavnike općina o zaključivanju ugovora. Inicijativa je potekla na zahtjev međunarodnih finansijskih institucija i investitora. Obuku na temu zaključivanja i implementacije ugovora za jedinice lokalne samouprave obavio je regionalni ekspert za ovu oblast: Boban Đorđević, koji je ekspert za profesionalno konsultovanje tokom realizacije ugovora i pripreme odštetnih zahtjeva.



Ambasadorica SR Njemačke u Sarajevu Nj.E. Christiane Hohmann je otvorila izložbu na Ceremoniji otvaranja prvog dana sajma, 9.11. 2016. godine. ENERGIEWENDE je jedinstvena prezentacija o tranziciji energije, koja je obuhvatila 100m² izložbenog prostora, što predstavlja ogromnu binu za program u okviru internacionalnog događaja RENEXPO® BiH. RENEXPO® posjetioci su kroz interaktivnu prezentaciju, koja je završena kvizom znanja, uvidjeli promjene u utrošku energije i energetskih proizvoda što vodi ka suštinskoj redukciji troškova primarne energije.

U JAJCU OBILJEŽEN MEĐUNARODNI DAN TOLERANCIJE

Općine Jajce i Jezero, uz podršku Misije OSCE-a u BiH je 16. novembra/ studenog u Jajcu, nizom aktivnosti, obilježile Međunarodni dan tolerancije. Nj.E. Ambasador Jonathan Moore, Šef Misije OSCE-a u BiH prisustvovao je okruglom stolu o temi "Vrijednosti tolerancije", na kojem su predstavnici nevladinih organizacija iz Jajca, njih četrnaest, potpisivanjem Etičkog kodeksa ozvaničili formiranje Koalicije protiv mržnje i predrasuda „Zajedno“. Ovo je inače dvadeseta koalicija ove vrste u BiH. Okrugli sto održan u Jajcu okupio je predstavnike općina Jajce i Jezero, nevladinih



organizacija i učenike iz ove dvije općine, a goste su između ostalih pozdravili i Načelnik Općine Jajce Edin Hozan i Načelnica Opštine Jezero Snežana Ružičić. U radu Okruglog stola učestvovali su i članovi Koalicije protiv mržnje i predrasuda Prijedor i Savjetodavne grupe mladih OSCE-a.

„Jajce je grad koji inspiriše, grad čiji učenici su inspiracija cijeloj BiH, ali i šire, a tolerancija je poštivanje, uvažavanje, dijalog, razgovor, sve ono što nas spaja, sve što nas veže i upravo osnivanje Koalicije „Zajedno“ veoma je važan događaj. Danas smo mogli biti bilo gdje u BiH ali smo odabrali biti u Jajcu jer je Jajce grad koji ima tradiciju tolerancije, a posebno učenici koji su ovdje branili svoju školu i svoje zajedništvo“, istakao je Ambasador Jonathan Moore, Šef Misije OSCE-a u BiH obraćajući se učesnicima Okruglog stola.

Čestitajući Međunarodni dan tolerancije i upućujući riječi zahvalnosti Misiji OSCE-a u BiH što je Jajce odabrano za obilježavanje ovog vrlo značajnog događaja Načelnik Općine Jajce Edin Hozan je, govoreći na Okruglom stolu, istakao: „Međunarodni dan tolerancije je dan kada se podsjeća na to da je potrebno uvažavati tuđe mišljenje, osjećanja i uverenja. Drago mi je da je Jajce grad odabran za obilježavanje ovog značajnog datuma što je i svojevrsna potvrda da smo mi u Jajcu međusobno tolerantni.

Uvjeran sam da su građani BiH na putu izgrađivanja tolerantnog društva i da ćemo razvijajući međusobne odnose znati naše bogatstvo različitosti iskoristiti u pravom smislu, što je veoma važno za društvo u kojem danas živimo.

Jajce je grad koji može govoriti o toleranciji što smo pokazali do sada na bezbroj načina, ali uvijek trebamo unaprjeđivati naše međusobne odnose, jer poštivanje drugog i drugačijeg, razumjevanje različitosti, gradnja suživota i kultura dijaloga je upravo naše najveće bogatstvo koje za rezultat ima razvijen nivo tolerancije. Iz Jajca želimo poslati važnu poruku da je BiH i grad Jajce jedno otvoreno društvo i da ćemo se truditi da međusobnu saradnju unaprjeđujemo jer tolerancije nikad nije dovoljno“.

Nj.E. Ambasador Jonathan Moore, Šef Misije OSCE-a u BiH, Načelnik Općine Jajce Edin Hozan i Načelnica Opštine Jezero Snežana Ružičić otvorili su danas stazu tolerancije "Otomalj" koja polazi od Planinarskog doma „Čusine“ Jajce i povezuje ove dvije općine.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmad.com
www.eacea.ec.europa.eu



Grb Općine Jajce



PREDSTAVNICI OPĆINE ILIJAŠ I SVJETSKE BANKE U POSJETI FABRICI KALEA



Predstavnici Službe za privredu, finansije i investicije Općine Ilijaš Mirza Marukić i Fadil Beganović su 16. novembra/ studenog zajedno sa predstavnicom Grupacije Svjetske banke Sabinom Dervišefendić posjetili fabriku namještaja "Kalea". Ovo je jedna u nizu posjeta "after care" koje Općina Ilijaš organizuje u saradnji sa Partnerskom mrežom prema privrednim subjektima koji posluju na području Općine Ilijaš. Na sastanku je

razgovarano sa direktorom fabrike namještaja "Kalea" Jasminom Klicom o otvorenim pitanjima, poslovanju i eventualnim poteškoćama s kojim se susreće ova kompanija u svom radu. Podsjetmo, fabrika namještaja "Kalea" osnovana je 1996. godine i trenutno je jedna od vodećih kompanija u BiH koja se bavi proizvodnjom tapaciranog i pločastog namještaja po mjeri. "Kalea" trenutno ima 8 maloprodajnih salona, i to u: Sarajevu, Mostaru, Vitezu, Banja Luci, Bihaću, Jelahu, Neumu i Dubrovniku, te 50 veleprodajnih salona širom BiH, Hrvatske, Srbije, Crne Gore i Slovenije. Fabrika trenutno upošljava 185 radnika. Sjedište fabrike je u Ilijašu, u ul. Bosanski put bb gdje se nalazi cjelokupan pogon za proizvodnju namještaja.



Grb Općine Ilijaš

FABRIKA CEMENTA LUKAVAC ZNA KAKO OTPAD PRETVORITI U ENERGIJU

U Evropi se više od četiri miliona tona otpada pretvara u alternativna goriva i upotrebljava u tvornicama cementa. Sarajevo i Tuzla zajedno dnevno proizvode više od 1.000 tona smeća, što je po računima stručnjaka 1 kg po stanovniku dnevno. Otpad se odlazi na deponije, koje su zatrpane i postaju opasne po zdravlje ljudi, što je nedavni i dokaz negodovanja građana jednog sarajevskog naselja. S druge strane u Bosni i Hercegovini postoje kompanije koje bi mogle ili već koriste otpad kao alternativno gorivo u svom procesu proizvodnje, a koji uvoze iz drugih zemalja jer u



Bosni i Hercegovini trebaju kompanije koje će taj otpad pripremiti, osušiti, sortirati i samljeti. Pozitivan primjer i predvodnik u korištenju alternativnih goriva u Bosni i Hercegovini je Fabrika cementa Lukavac koja kontinuirano investira u ugradnju novih tehnologija i postrojenja s ciljem spaljivanja zamjenskih goriva i time učestvuje u rješavanju problematike zbrinjavanja otpada. Direktor Fabrike cementa Lukavac Izet Imamović za poslovni portal Akta.ba kaže kako otpad uvoze iz Hrvatske (Rijeka), a u pregovorima su i oko uvoza otpada iz Italije i Slovenije. "Bilo bi dobro da imamo otpad kupiti u BiH. To nije složen proces izvrši se razdvajanje materijala, uzme se što je energetski dobro, odvoji se, pripremi se, upakuje i transportuje", kaže Imamović, pojašnjavajući kako država mora urediti ovu oblast. "Ne može se na deponije bacati sve kao što se to radi kod nas. Mi praktično zagađujemo okoliš dvostruko. Naime, koristimo fosilna goriva i izlazi CO₂, bacamo na deponije i također stvaramo CO₂." Osim komunalnog otpada Fabrika iz Lukavca kaže njen direktor koristi sve što ima energetski potencijal, tako da iz Gračanice dovoze kuru od drveta koju koriste kao gorivo.



Grb Općine Lukavac

POTPISAN UGOVOR O IMPLEMENTACIJI PROJEKATA ZA IZGRADNJU INFRASTRUKTURE, NABAVKE SREDSTAVA, OPREME I POSTROJENJA ZA UPRAVLJANJE KOMUNALNIM OTPADOM

Načelnik Općine Novi Travnik Refik Lendo sa federalnom ministricom okoliša i turizma Editom Đapo potpisao je 11. novembra/ studenog ugovor o implementaciji odobrenih sredstava za „Sufinanciranje projekta za izgradnju infrastrukture, nabavku sredstava, opreme i postrojenja za upravljanje komunalnim otpadom na području Federacije Bosne i Hercegovine“. Ugovor je potpisan na temelju Odluke Vlade Federacije BiH a nakon



provedenog Javnog poziva. Potpisivanjem ovog ugovora Federalno ministarstvo se obavezalo da će Općini Novi Travnik doznačiti 40.000 KM, što će omogućiti implementaciju Projekta "Nabavka opreme za selektivno prikupljanje otpada u Novom Travniku". U narednom periodu Općina Novi Travnik pristupit će nabavci kanti i kontejnera, koji će biti stavljeni građanima na raspolaganje a sve u skladu sa odlukom Općinskog vijeća da se svi građani uključe u organizirani odvoz otpada. Realizacija ovog projekta doprinijet će daljnjem poboljšanju ekoloških standarda na području cijele općine kao i životnih uvjeta građana.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

POTPISANI UGOVORI O SUFINANSIRANJU PROJEKTA JAGODASTOG VOĆA



U Velikoj sali Općine Goražde je 16. novembra/ studenog upriličeno potpisivanje ugovora o sufinansiranju projekta jagodastog voća. Ugovore su potpisali predstavnici humanitarne organizacije Muslim Aid Sarajevo, koju zastupa Edina Šehić Saliji direktorica, načelnik Općine Goražde Muhamed Ramović i 15 korisnika ovog projekta koji su odabrani na osnovu provedenog Javnog poziva za podjelu zahtjeva za dodjelu sadnica malina sa sistemom za navodnjavanje u površini od 1 dula puta putem sufinansiranja. Riječ je o projektu koji provodi humanitarna

organizacija Muslim Aid u saradnji sa općinama. Pravo na učešće u projektu imala su sva zainteresovana lica sa područja Općine Goražde koja posjeduju poljoprivredno zemljište ili zemljište u zakup na period ne manje od 10 godina u površini od jednog dula. Pravo na dodjelu sadnica sa sistemom za navodnjavanje nisu mogla ostvariti ona lica koja su posljednjih pet godina ostvarila to pravo po bilo kom osnovu. Općina Goražde potpisala je sporazum sa humanitarnom organizacijom Muslim Aid, čije je sjedište u Londonu, a imaju uspostavu u Sarajevu. U skladu sa tim realizuje se ova projekat uzgoja malina kroz ekonomsko osnaživanje porodica. Radi se o tome da se kod poljoprivrednih proizvođača finansira zasad malina kroz tripartitni ugovor. Muslim Aid finansira 40%, Općina Goražde 40% a krajnji proizvođač 20 %. Vrijednost po jednom poljoprivrednom proizvođaču je 1. 620,00 KM od čega 648 KM finansira Općina, 648 KM Muslim Aid, a 324 KM krajnji korisnik. Krajnji cilj je proširenje zasada maline kao i ekonomsko osnaživanje porodica.



Grb Općine Goražde



INVESTITORI IZ MAĐARSKJE INVESTITIRAT ĆE U PROJEKTE OPĆINE CENTAR



Delegacija Općine Centar koju je predvodio savjetnik općinskog načelnika Mustafa Resić, ugostila je 15. novembra/ studenog predsjednicu Bosansko-mađarskog društva Mariku Strack i mađarske investitore Marosa Roberta, Gergiesu Gyulia, Zakaryu Hamdana i Vargu Norberta kojima su predstavljene veliki investicijski projekti koje će Općina u narednom periodu ponuditi na domaćem i međunarodnom tržištu. Neki od projekata koji su prezentirani su javna garaža kod Univerzitetskog kliničkog centra Sarajevo, projekt uređenja Merhemića trga na

Ciglanama s podzemnom garažom, poslovni objekt s podzemnom garažom smješten iza Unitica, projekt sportsko-rekreativnog kompleksa Hastahana, javna garaža uz Opću bolnicu "Prim. dr. Abdulah Nakaš", tržni centar Skenderija, javna garaža i bazen Skenderija, ledena dvorana Skenderija, hotel uz kompleks Skenderije, sportsko-rekreativni centar s vidikovcem i žičarom na lokalitetu Vranjače-Zlatište, stambeno naselje Šip i drugi. Strack je istakla da postoji snažan interes investitora iz Mađarske za ulaganje u projekte koji su prezentirani, te da je veliki optimist kada je u pitanju njihova realizacija. Na sastanku je zajednički zaključeno da investitori iz Mađarske razmotre mogućnosti ulaganja u neki od predstavljenih projekata i da u tom smislu općinskom načelniku upute pismo namjere koje je polazna osnova za svaki vid daljnje saradnje, saopćeno je iz Općine Centar.



Grb Općine Centar Sarajevo

U TOMISLAVGRADU DODIJELJENO ŠEST KONCESIJA ZA IZGRADNJU VJETROELEKTRANA

Općina Tomislavgrad u dogledno vrijeme mogla bi imati veći broj vjetroelektrana. Naime, prema riječima načelnika općine Tomislavgrad Ivana Vukadina, dosada je dodijeljeno ukupno šest koncesija za izgradnju vjetroelektrana, od kojih bi dvije uskoro trebale biti stavljen u funkciju, piše Večernji list BiH. Jedna od te dvije vjetroelektrane je Mesihovina kojoj je investitor EP HZ HB. "Riječ je o investiciji vrijednoj 78 milijuna eura, a trenutno je u fazi pristupa izgradnje prilaznih cesta", ističe Vukadin. Dodaje kako građevinsku dozvolu i sve potrebne papire ima i druga vjetroelektrana, odnosno F. L. Wind, te da se za realizaciju projekta čeka samo odluka operatera o povlaštenom proizvođaču. Kada je riječ o ostale četiri vjetroelektrane, koncesionari su trenutno u postupku ishodovanja potrebnih dozvola. Prema Vukadinovim riječima, koncesionar koji želi izgraditi, odnosno staviti u funkciju jednu vjetroelektanu, treba izvaditi čak 176 različitih dozvola i potvrditi sa svih razina vlasti. Vukadin upozorava na činjenicu kako postojeći elektrodistribucijski sustav ne može primiti svu električnu energiju koju bi proizvelo šest vjetroelektrana te naglašava kako se već radi na izgradnji novih dalekovoda. Osim spomenutog problema s kapacitetima, važno je naglasiti kako je odlukom Vlade FBiH određeno koliko se može otkupiti električne energije iz obnovljivih izvora energije. Iz EP HZ HB navode kako je VE Mesihovina sastavni dio svih poslovnih planova EP HZ HB od 2006. godine do danas. Strateškim planom i programom razvoja energetskog sektora FBiH razvojni projekti EP HZ HB uvršteni su u prioritetne projekte BiH. "VE Mesihovina imat će 22 vjetroturbine.



"Očekivana godišnja proizvodnja će biti oko 165,500 GWh električne energije. S obzirom na to da prosječna potrošnja kućanstva godišnje iznosi oko 5000 kWh, proizlazi da bi VE Mesihovina mogla napajati približno 33 tisuće kućanstava", navode iz EP HZ HB.

Svaka vjetroturbina će imati temelje i plato, kao i pristupne ceste. Također je planirana izgradnja transformatorske stanice 20/110 kV Gornji Brišnik s priključkom na postojeći DV 110 kV Tomislavgrad - Posušje. Očekivana godišnja proizvodnja će biti oko 165,500 GWh električne energije. S obzirom na to da prosječna potrošnja kućanstva godišnje iznosi oko 5000 kWh, proizlazi da bi VE Mesihovina mogla napajati približno 33 tisuće kućanstava", navode iz EP HZ HB. Nadalje ističu kako je u skladu s predloženim i prihvaćenim principom da se raspodjela procijenjene granične snage vjetroelektrana između entiteta bazira na proporcionalnom udjelu instaliranih kapaciteta entiteta u ukupnoj instaliranoj snazi elektroenergetskog sustava BiH. Definirano je da taj udio za FBiH iznosi do 230 mW, a za RS do 120 mW. "Dakle, pri integraciji vjetroelektrana u elektroenergetski sustav postoje ograničavajući čimbenici, kao što su prijenosna moć vodova i pogotovo potrebna regulacijska snaga. U tom smislu, za redoviti pogon i integraciju vjetroelektrana bit će potrebna izgradnja novih i rekonstrukcija postojećih dalekovoda, kao i izgradnja novih proizvodnih objekata koji mogu osigurati potrebne regulacijske kapacitete (primjerice CHE Vrilo u Tomislavgradu)", naglasili su iz EP HZ HB. Nadalje navode kako, uz postojeću izgrađenost elektroenergetskog sustava i postojeće regulacijske kapacitete, nije realno očekivati puštanje u pogon i priključenje na mrežu svih šest vjetroelektrana na području općine Tomislavgrad.

U KLJUČU ODRŽAN TRENING NA TEMU „KORIŠTENJE INFORMACIONIH TEHNOLOGIJA ZA PODRŠKU UČEŠĆA GRAĐANA U RAZVOJU ZAJEDNICE I BOLJE UPRAVE“

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



U okviru projekta "Jačanje uloge mjesnih zajednica u Bosni i Hercegovini" u Ključu se od 24.10. do 27.10.2016. godine održava trening na temu: "Korištenje informacionih tehnologija za podršku učešću građana, razvoju zajednice i bolju upravu". Ovom treningu prisustvuju predstavnici mjesnih zajednica s područja općine Ključ i općine Sanski Most koje su izabrane u pomenutom projektu. Predstavnici na treningu iz mjesnih zajednica su osobe

koje su do sada prošle određene treninge u okviru projekta kao što su ECDL, Izrada i pisanje projektnog prijedloga i fasilitatori, predstavnici OCD-a, te koordinatori projekta "Jačanje uloge mjesnih zajednica u BiH".

Specifični ciljevi treninga su:

usvojiti osnovne informacije uključenosti građana u definisanju javnih politika i zašto je to bitno; usvojiti neophodna znanja i vještine formiranja poruka za javno komuniciranje putem IT alata u cilju angažmana građana u različitim aktivnostima od javnog interesa; praktično primijeniti usvojena znanja i vještine za formiranje online mjesnih zajednica

Na kraju dvodnevne obuke, predstavnici mjesnih zajednica iz odabranih općina u BiH će biti u mogućnosti da:

uključuje građane svoje mjesne zajednice i opštine u donošenje odluka od javnog interesa, kako bi se postigli bolji rezultati javnih razvojnih inicijativa, boljih rezultati aktivnosti zajednice odnosno bolji servisi koje pruža lokalna samouprava; formulisati i odaslati poruke i informacije građanima i specifičnim ciljnim grupama kako bi mobilisali građane i ostvarili šire učešće u donošenju odluka pomoću postojećih IT alata (društvenih mreža, IT servisa i web sajtova); prepoznaju mogućnosti pružanja tradicionalnih usluga građanima i poslovnim organizacijama elektronskim putem; iskoriste niz IT alata za davanje „glasa“ građaninu: npr. uključivanje građana u donošenje odluka, praćenje realizacije aktivnosti ili projekata, pružanje građanima šansi da daju svoje mišljenje o realizovanim aktivnostima organa lokalne samouprave, da daju ideju ili se požale po nekom pitanju; uključuje specifične grupe (mlade ljude, žene, stanovnike „ruralnih“ područja) da uzmu veće učešće u javnom životu svoje lokalne zajednice.



Grb Općine Ključ



GRADONAČELNIK TUZLE SUSREO SE SA ŠEFOM DELEGACIJE EVROPSKE UNIJE U BIH I SPECIJALNIM PREDSTAVNIKOM EU



Gradonačelnik Tuzle Jasmin Imamović, susreo se 14. novembra/ studenog sa šefom Delegacije Evropske unije u BiH i specijalnim predstavnikom EU, Lars-Gunnarom Wigemarkom. Susret je upriličen u Gradskoj upravi, u poslijepodnevnom satima. Šef Delegacije EU u BiH, Wigemark, čestitao je Imamoviću izbor za gradonačelnika Tuzle i poželio mu sreću u radu. Na sastanku se razgovaralo o do sada ostvarenim, rezultatima koji utiču na povoljnije poslovno okruženje za ulaganja, te na taj način i stvaranje uvjeta za

otvaranje novih radnih mjesta u Tuzli. Gradonačelnik Imamović je naveo primjer brzog rasta domaće kompanije Bingo, koja je u ovoj godini zaposlila nekoliko stotina osoba, kako u trgovini i drugim uslužnim djelatnostima, tako i u proizvodnji. Pored toga, kao jedan od pozitivnih primjera, pomenut je rast zapošljavanja u IT sektoru, gdje je najbolji primjer BIT Centra, u kojem su u okviru objekata 4. i 5. faze, u tekućoj godini stvoreni uslovi za kreiranje oko 100 radnih mjesta u oblasti informacionih tehnologija. Također, gradonačelnik Imamović je naveo da je u cilju povećanja broja zaposlenih, Grad Tuzla osmislio i aktivno provodi programe poticanja proizvodnje, poljoprivrede, zapošljavanja i obrazovanja mladih i osoba sa invaliditetom, te kreiranje poslovnih zona. Gradonačelnik Imamović se zahvalio na ovoj posjeti i svim naporima koje EU ulaže, kako bi se unaprijedila saradnja svih nivoa vlasti i kako bi BiH što prije ispunila uvjete za status kandidata, a kasnije i članicu NATO-a i EU. Gradonačelnik je istakao da je na tom putu neophodno nastaviti sa realizacijom Reformske agende, ali da više računa treba voditi o mjerama koje imaju za cilj poboljšanje uslova poslovanja, prije svega za realni sektor, čime će se direktno uticati na povećanje radnih mjesta i na bolji život građana. Govoreći o poboljšanju uvjeta za bolji život svih građana, gradonačelnik je istakao i činjenicu o ekonomskoj neravnopravnosti građana u Federaciji BiH, imajući u vidu odredbe Zakona o raspodjeli javnih prihoda, po kojima "građani koji žive u Sarajevskom kantonu vrijede duplo više od građana koji žive u drugim dijelovima Federacije BiH", istakao je gradonačelnik Imamović, te upoznao ambasadora Wigemarka sa inicijativama za izmjenu ovog Zakona, koje su i tadašnje Općinsko vijeće Tuzla i on kao načelnik, odnosno gradonačelnik, više puta podnosili Vladi Federacije BiH i drugim organima u Federaciji. Pored toga, gradonačelnik Imamović i šef Delegacije Evropske unije u BiH i specijalni predstavnik EU, ambasador Wigemark, razgovarali su o integraciji BiH ka EU, te neophodnim socio-ekonomskim reformama, koje je neophodno provesti i u kojima će lokalne samouprave imati ključnu ulogu, jer se radi o nivou vlasti koji je najbliži građanima.

Gradonačelnik je istakao da je neophodno nastaviti sa realizacijom Reformske agende, ali da više računa treba voditi o mjerama koje imaju za cilj poboljšanje uslova poslovanja, prije svega za realni sektor, čime će se direktno uticati na povećanje radnih mjesta i na bolji život građana.

POTPISANA SARADNJA S LOKALNIM ZAJEDNICAMA U OKVIRU EU PROLOCAL PROGRAMA

Gradonačelnik Širokog Brijega Miro Kraljević, načelnik općine Posušje Branko Bago te predstavnici općina Grude i Ljubuški i menadžerica EU ProLocal programa kojeg implementira GIZ gospođa Karin Hoerhan, potpisali su danas u Ministarstvu gospodarstva ŽZH u Posušju Memorandum o razumijevanju u okviru EU ProLocal Programa. Memorandum je potpisan s ciljem suradnje između GIZ-a i lokalnih zajednica kako bi zajedničkim aktivnostima doprinijeli poboljšanju poslovnog okruženja i unaprijeđenju konkurentnosti malih i srednjih poduzeća koja u njima posluju.



Grb Grada Širokog Brijega

Široki Brijeg, Posušje, Grude i Ljubuški se nalaze među 20 partnerskih općina EU ProLocal-a koje će pružiti podršku implementaciji Programa u četiri ključna sektora u BiH – metalo-prerađivački, drveno-prerađivački, agrobiznis i turizam. EU Prolocal je zajednički program Europske Unije i Vlade Njemačke za podršku lokalnoj samoupravi i ekonomskom razvoju u BiH.

POZIV ZA UČEŠĆE NA REGIONALNOM TRENINGU ZA EFIKASNU ORGANIZACIJU I EFEKTIVNO UPRAVLJANJE KOMUNALNIM USLUGAMA

13. i 14. decembra 2016. godine, Zagreb, Hrvatska
Mreža asocijacija lokalnih vlasti Jugoistočne Evrope (NALAS), sa svojim članicama asocijacijama lokalnih vlasti (ALV), zajedno sa GIZ-om je pokrenula projekat „Lokalni lideri Jugoistočne Evrope: Vodstvo za promjene“, u svrhu poboljšanja liderstva i upravljačkih kapaciteta lokalnih donosioca odluka, menadžera iz općina i javnih vodovodnih/komunalnih preduzeća, za planiranje i realizaciju investicijskih projekata u oblasti vodosnabdijevanja i odvodnje otpadnih voda.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelsmad.com
www.eacea.ec.europa.eu

ŠTA?

Ova dva dana regionalnog treninga će:

Pružiti uvod u okvir za efikasnu organizaciju i upravljanje komunalnim uslugama;
Ispitati uloge i odgovornosti u organizaciji i upravljanju komunalnim uslugama;
Ponuditi alate i tehnike za efikasnu organizaciju i efikasno upravljanje komunalnim uslugama;
Omogućiti učenje iz iskustva Hrvatske i regionalnih razmjena znanja.

Teme treninga su:

Politika voda, pravni i institucionalni okvir za komunalne djelatnosti;
Finansijski i operativni program za unaprjeđenje efikasnosti;
Ključne oblasti za poboljšanje: sporazum za javni servis i politiku određivanja cijena;
Alati za efikasno upravljanje, ključni pokazatelji učinka i benchmarking.

ZA KOGA?

Timovi načelnika/gradonačelnika i direktora javnih komunalnih preduzeća iz: Makedonije, Srbije, Bosne i Hercegovine i Hrvatske.

KAKO?

Trening je osmišljen u skladu sa najvišim metodološkim standardima za razvoj kompetencija, sa visokim standardima kvalitete u svakoj fazi pripreme i izvođenja obuke, koja osigurava izvrsnost treninga. Trening je interaktivnog karaktera i uključuje: (1) prezentacije, (2) diskusije, (3) praktične vježbe (4) obilazak. Trening je na engleskom jeziku. Dobro poznavanje engleskog jezika je poželjno, ali će se ipak osigurati prevođenje na hrvatski jezik.

PRIJAVA

Prijavu učešća za trening molim Vas da pošaljete g-đi Katerini Stojanovik Aleksoska na e-mail: stojanovik-aleksoska@nalas.eu.

Rok za prijavu je 17. novembar 2016. godine.

Važna napomena: Trening nudi samo ograničen broj učesnika (do 24 učesnika iz četiri zemlje). Ukupni troškovi treninga, uključujući i razvoj nastavnih planova i programa, materijala za obuku, mjesto održavanja, smještaj (Hotel Panorama), hrana, putni troškovi, troškovi za trenera je 1 250,00EUR po učesniku. NALAS ima mogućnost subvencionisanja većinu troškova za ograničen broj učesnika i radnih sati, na principu "prvi je došao, prvi je uslužen", tako da će odabrani učesnici morati platiti samo simboličnu participaciju u iznosu od 65,00EUR. Odabrane kandidate će kontaktirati NALAS.

[EFIKASNA ORGANIZACIJA I UPRAVLJANJE KOMUNALNIM USLUGAMA.pdf](#)
[IMPLEMENTACIJA INFRASTRUKTURNIH INVESTICIJSKIH PROJEKATA.pdf](#)
[PRIPREMA INFRASTRUKTURNIH INVESTICIJSKIH PROJEKATA.pdf](#)
[RAZVOJ INFRASTRUKTURNIH INVESTICIJSKIH PROJEKATA.pdf](#)
[REZULTATI.pdf](#)
[STRATESKO PROGRAMSKO PLANIRANJE I UPRAVLJANJE ZASNOVANO NA REZULTATIMA.pdf](#)





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



NAJAVA OBILJEŽAVANJA DANA OPĆINA I GRADOVA ZA MJESEC DECEMBAR/ PROSINAC

10. decembar/prosinac - Dan Općine Tešanj. To je dan sjećanja na vakufnamu Gazi Ferhad-bega kojom je 1559. godine utemeljen Tešanj.

16. decembar/prosinac - Dan Općine utvrđuje se 16. decembar, iz razloga što je 16. decembra 1977. godine proglašeno obrazovanje ove Opštine. Naime, ukazom Predsjedništva SRBiH o proglašenju Zakona o obrazovanju opština Sarajevsko Polje i Stari Grad Sarajevo od 16.12.1977. godine, obrazovana je Opština Sarajevsko Polje sa sjedištem Skupštine Opštine u Sarajevu, a do tada ista je bila u sastavu Opštine Novo Sarajevo. Ukazom Predsjedništva SRBiH o proglašenju Zakona o izmjenama Zakona o obrazovanju opština Sarajevsko Polje i Stari Grad Sarajevo od 27.09.1978. godine, članom 1. u nazivu i u tekstu Zakona riječi "Sarajevsko Polje", zamjenjuje se riječima "Novi Grad Sarajevo". Naprijed navedenim ukazom, tada novoformirana Opština Sarajevsko Polje, zamijenila je naziv u Opštinu Novi Grad Sarajevo i pod istim funkcioniše i do danas.



Grb Općine Tešanj



Grb Općine Novi Grad Sarajevo

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.